

400 Als mir diu âventiure sagete,  
ir vederspil dâ jagete  
den kranch oder swaz vor in dâ vlôch.  
ein râvît von Spane hôch

sw. dâ (om. Z) vor in (vor im da I) vl. (floc G). \*G (ohne OL)

5 reit der küneec Vergulaht.  
sîn blic was tac wol bî der naht.  
sîn geslehte sante Mazadan  
vür den berc ze Famorgan;  
sîn art was von der feien.

10 in dûhte, er sæhe den meien  
in rehter zît von bluomen gar,  
swer nam des küneges varwe war.  
Gawanen des bedûhte,

dô der küneec sô gein im lûhte,

15 ez wære der ander Parzival

unt daz er Gahmuretes mâl

hete, alsô diz mære weiz,

dô der reit in ze Kanvoleiz.

Ein reiger tet durch vluht entwîch

Sîn r. (reit T) \*T (nur T)

20 in einen muorigen tîch;

den brâhten valken dar gehurt.

der küneec suochte unrehten vurt,

in valken hilfe wart er naz.

sîn ors verlôs er umbe daz,

25 dar zuo al diu kleider sîn,

doch schiet er valken von ir pîn.

er die v. \*T

daz nâmen die valkenære.

ob daz ir reht iht wære?

ez was ir reht, si soltenz hân;

30 man muose ouch si bî rehte lân.

---

\*D: D \*m: m \*G: G I O L Z \*T: T U V

---

1 Überschrift: Aber hern gawans auentevre eine Z · Initiale D I O L Z T U V 4 Majuskel T 17 Initiale I 19 Initiale m T U · Majuskel D

---

4 Spane] Hispanie \*m (L V) 9 der] den \*m O V 25 diu] di D 26 er] der \*m